64a. A Jacobite Air
Phely & Willy

Koželuch
Unpublished

Allegretto

Violin

Voice

Piano

Violoncello

"O Phely, hap - py be that day, When rov - ing through the ga - ther'd hay, My
youth - ful heart was stown a-way, And by__ thy__ charms, my Phe - ly,'
O PHELY, HAPPY BE THAT DAY.

BY ROBERT BURNS.

A JACOBITE AIR.

'O Phely happy be that day
'When roving thro' the gather'd hay,
'My youthfu' heart was stown away,
'And by thy charms, my Phely.'

"O Willy, ay I bless the grove
"Where first I owst'd my maiden love,
"Whilst thou did pledge the Powers above
"To be my ain dear Willy."

'As songsters of the early year
'Are ilka day mair sweet to hear,
'So ilka day to me mair dear
'And charming is my Phely.'

"As on the brier the budding rose
"Still richer breathes and fairer blows,
"So in my tender bosom grows
"The love I bear my Willy."

'The milder sun and bluer sky
'That crown my harvest cares wi' joy,
'Were ne'er sae welcome to my eye,
'As is a sight o' Phely."

"The little swallow's wanton wing,
"Tho' wafting o'er the flowery spring,
"Did ne'er to me sic tidings bring,
"As meeting o' my Willy."

'The bee that thro' the sunny hour
'Sips nectar in the op'ning flower,
'Compar'd wi' my delight is poor
'Upon the lips o' Phely.'

"The woodbine in the dewy weet,
"When evening shades in silence meet,
"Is nought sae fragrant or sae sweet
"As is a kiss o' Willy."

'Let Fortune's wheel at random rin,
'And fools may tyne, and knaves may win;
'My thoughts are a' bound up in ane,
'And that's my ain dear Phely.'

"What's a' the joys that gowd can gi'c?
"I care na wealth a single flie;
"The lad I love's the lad for me,
"And that's my ain dear Willy."